

ŠKOLSKI ČASOPIS

glas djeteta



ŠKOLSKE AKTUELNOSTI

Sve važne vijesti, događaji i aktivnosti iz naše škole.
Budite u toku sa onim što se dešava oko nas!



NAŠI TALENTI

Predstavljamo vaše radove, uspjehe i kreativnost.
Otkrijte talente koji nas inspirišu!



IGRE I ZABAVA

Zabavni kutak pun igara, zagonetki, smijeha
i zanimljivosti za opuštanje i uživanje!



I JOŠ MNOGO TOGA...

Intervjui, priče, savjeti, preporuke i još mnogo
zanimljivog sadržaja.



www.osgrbavica2.edu.ba

SADRŽAJ



- 01 | Riječ urednika
- 02 | Riječ direktorice
- 03 | Intervju
- 04 | Naši prvaci
- 05 | Drugi razred
- 06 | Treći razred
- 07 | Četvrti razred
- 08 | Peti razred
- 09 | Šesti razred
- 10 | Sedmi razred
- 11 | Osmi razred
- 12 | Deveti razred
- 13 | Produženi boravak
- 14 | Posjete
- 15 | Sekcije u našoj školi
- 16 | Vijeće učenika
- 17 | Obilježavanje značajnih datuma
- 18 | Kreativni kutak – likovni i literarni radovi
- 19 | Projekti
- 20 | Uspjesi na takmičenjima
- 21 | Zabavne strane

RIJEČ UREDNIKA

Dragi čitatelji,

Ove godine, nakon višegodišnje pauze, ponovo smo počeli sa izdavanjem Školskog časopisa "Glas djeteta". Ove godine to je online izdanje.

Članovi Novinarske sekcije su vam pripremili mnogo zanimljivih tekstova. U izradi ovog školskog lista koristili smo tekstove i fotografije sa Facebook stranice naše škole, koju uređuje i vodi Selvedina Latić, prof. U nastavku možete pročitati tekstove o dešavanjima u našoj školi u ovoj školskoj godini. Uradili smo i intervju koji će vam sigurno biti zanimljivi. U septembru 2025. godine, došli su nam novi đaci prvaci, a ove godine se opraštamo od naših maturanata, učenika IX razreda, pa smo i o tome pisali. Pisali smo i o takmičenjima na kojima su učestvovali učenici naše škole i ostvarili velike uspjehe. Pisali smo i o još nekim zanimljivim temama. S njima se možete upoznati u nastavku.

Nadamo se da ćete uživati u ovom broju školskog lista, a svima vam želimo lijep i ugodan ljetni raspust koji je uskoro pred nama.

Urednik: Sanida Omerović – Šečić, prof.

RIJEČ DIREKTORICE



vrijednosti koje nosimo kroz cijeli život. Posebno smo ponosni na naše učenike koji svojim radom, rezultatima, humanošću i ponašanjem predstavljaju najbolji primjer onoga što škola želi odgojiti – odgovorne, vrijedne i plemenite mlade ljude. Zahvaljujem svim nastavnicima i zaposlenicima škole koji svojim predanim radom svakodnevno ulažu znanje, energiju i ljubav u obrazovanje i odgoj djece. Veliku zahvalnost upućujem i roditeljima koji su naši partneri i podrška u zajedničkom cilju – stvaranju sigurnog i podsticajnog okruženja za svako dijete.

? Ovaj časopis je rezultat zajedničkog rada učenika i nastavnika, njihove kreativnosti i želje da sačuvaju uspomene na važne školske trenutke.

Neka bude podsjetnik na sve lijepe događaje, uspjehe i izazove koje smo zajedno prošli. Vjerujem da ćemo i u godinama koje dolaze nastaviti graditi školu znanja, poštovanja, razumijevanja i uspjeha – školu u kojoj svaki učenik ima priliku da raste, uči i vjeruje u sebe. Škola nije samo mjesto učenja nastavnih sadržaja. Ona je prostor odrastanja, razvijanja prijateljstava, otkrivanja talenata i izgradnje



Direktorica škole

Nusreta Jamaković, mr

INTERVJU



Novinarska sekcija odlučila je da razgovara sa osobama koje svakodnevno brinu da naša škola radi što bolje.



Članovi novinarske sekcije, učenice Aida Abdagić, Tajra Hadžić i Lajla Karaselimović, **razgovarale** su sa pomoćnikom direktorice, školskim sekretarom, pedagogom, psihologom, socijalnim radnikom i bibliotekarkom. Njihovi odgovori nam pomažu da bolje razumijemo koliko je važno svako od ovih zanimanja za život škole.



Svim sagovornicama u intervjuu još jednom se zahvaljujemo na izdvojenom vremenu za naš školski list.



ZAJEDNO GRADIMO BOLJU ŠKOLU!

Uprava i stručna služba škole svakodnevno rade zajedno za dobrobit učenika i stvaranje pozitivnog i sigurnog školskog okruženja.

POMOĆNIK DIREKTORA ŠKOLE



Sladana Vrejić, mr
POMOĆNIK DIREKTORA



Koji je najzanimljiviji dio Vašeg posla u školi?

Najzanimljiviji dio mog posla u školi je rad sa učenicima i nastavnicima, te pomaganje da škola bude mjesto gdje se svi osjećaju sigurno i zadovoljno. Posebno mi je zanimljivo organizovanje školskih aktivnosti i rješavanje različitih izazova svaki dan.



Nakon što nam je otkrila šta je najzanimljivije u njenom poslu, poželjeli smo da saznamo i kako reaguje kada učenici imaju svoje ideje.



ZNALI STE?

Svaki član našeg školskog tima daje svoj doprinos da škola bude bolja i ugodnije mjesto za učenje.



Šta radite kada učenici imaju neki važan prijedlog ili ideju za školu? Kada učenici imaju važan prijedlog ili ideju za školu, prvo ih pažljivo saslušam. Zatim razgovaramo o tome kako se ideja može ostvariti i da li bi bila korisna za učenike i školu. Ako je prijedlog dobar, trudimo se da ga zajedno realizujemo.



SEKRETAR
Adela Mujkić, mr



Kako Vi pomažete da škola svaki dan radi bez problema?

SEKRETAR I ŠKOLSKI PEDAGOG



ŠKOLSKI PEDAGOG

Irma Nizam, prof.

Sekretar škole priprema ugovore o radu sa nastavnicima i obavlja druge poslove vezano za njihova prava iz radnog odnosa, kako bi zadovoljni dolazili u učionice i izvodili nastavu.

Izrađuje akte i prati i primjenjuje zakonske propise, kako bi škola radila u skladu sa zakonom. Provodi postupke javne nabavke u cilju obezbjeđivanja sredstava za rad, za školu i nastavnike, te zaključuje ugovore sa firmama o nabavama i kupovini potrebnih sredstava za rad škole. Vršiti kontrolu rada i nadzire rad tehničkog osoblja, kako bi škola bila čista i uredna.

Kada nam je ispričala kako pomaže da škola svakodnevno funkcioniše, pitali smo je i da podijeli neki neobičan zadatak koji je imala.



Koji je najneobičniji zadatak koji ste imali u svom poslu?

Svaki dan u mom poslu je izazovan i stalno se susrećem sa novim zadacima. Najneobičniji zadaci u mom poslu, sa kojim sam se do sada susrela, su zastupanja škole na sudu u raznim sudskim postupcima, na taj način sam izašla iz okvira rada škole i svog radnog mjesta u školi.



Kako pomažete učenicima da se bolje slažu i druže?

Pedagog doprinosi razvijanju kvalitetnih međuvršnjačkih odnosa kroz savjetodavni rad, edukativne aktivnosti i podršku u rješavanju konflikata. Kroz radionice, individualne i grupne razgovore, pedagog podstiče razvijanje tolerancije, međusobnog poštovanja, empatije i timskog duha.

Također, pruža podršku učenicima u prevazilaženju nesporazuma i jačanju socijalnih vještina, čime doprinosi stvaranje ugodne atmosfere u školi.

Veoma je važno da se učenici samoinicijativno obrate pedagogu kada osjete da imaju problem ili potrebu za razgovorom, jer se pravovremenom podrškom lakše prevazilaze teškoće i grade kvalitetniji odnosi s vršnjacima. Poslije razgovora o tome kako pomaže učenicima da se bolje druže, zanimalo nas je i šta radi kada neko ima poteškoće u učenju.

? Šta radite kada učenik ima poteškoće u učenju?

Kada učenik ima poteškoće u učenju, pedagog najprije razgovara s učenikom kako bi bolje razumio uzroke problema i njegove potrebe. Zatim, u saradnji s nastavnicima i roditeljima, prati učenikov rad i predlaže načine podrške koji mogu pomoći u savladavanju poteškoća. Pedagog pruža savjetodavnu podršku, pomaže učeniku u razvijanju radnih navika, organizaciji vremena i jačanju motivacije za učenje. Po potrebi uključuju se i drugi članovi stručne službe, kako bi učenik dobio adekvatnu pomoć i podršku za uspješniji napredak u školi. Posebno je značajno da se učenici samoinicijativno jave pedagogu kada primijete da imaju poteškoće u učenju, jer rana podrška i otvorena komunikacija mogu značajno



ŠKOLSKI PSIHOLOG

Irma Čorbo, mr

? Kako razgovor sa psihologom može pomoći učeniku da se osjeća bolje?

Razgovor sa psihologom može pomoći učeniku da se osjeća bolje, jer dobija sigurno mjesto gdje može otvoreno govoriti o svojim problemima, brigama i osjećajima bez straha od osuđivanja. Psiholog pažljivo sluša, pomogne učeniku da razumije šta ga muči i zajedno s njim traži načine za rješavanje problema. Kroz razgovor učenik može naučiti kako da se lakše nosi sa stresom, tremom, sukobima s vršnjacima, problemima u porodici ili

školskim obavezama. Takođe, psiholog može pomoći da učenik razvije više samopouzdanja, bolje razumije svoje emocije i pronađe podršku kada se osjeća usamljeno ili preopterećeno. Važno je znati da traženje pomoći nije znak slabosti, nego hrabrost i briga o sebi.

? Koji je Vaš savjet za učenike kada su nervozni pred kontrolni?

Kada ste nervozni pred kontrolni, važno je da znate da je to sasvim normalno i da se većini učenika to dešava. Nervozu možete smanjiti tako što ćete se dobro pripremiti unaprijed, učiti pomalo svaki dan umjesto da sve ostavljate za zadnji trenutak.

Neposredno prije kontrolnog može pomoći nekoliko jednostavnih stvari: duboko i polako disanje, kratka šetnja ili opuštanje mišića (npr. stisnete i opustite šake nekoliko puta). Tako se tijelo smiruje i mozak lakše razmišlja. Takođe, pokušajte sebi reći da kontrolni nije "opasnost", nego samo provjera znanja i jedna prilika da pokažete šta znate. Ako i ne znate sve, to nije kraj svijeta uvijek postoji sljedeća prilika da se popravi ocjena. Najvažnije je da se fokusirate na



SOCIJALNI RADNIK

Nedina Hasanović, mr

? Kako pomažete učenicima koji imaju probleme van škole?

Kada učenici imaju probleme van škole, u zavisnosti od situacije, nastojim im pružiti podršku kroz razumijevanje, saradnju s roditeljima, nastavnicima i stručnom službom škole.

Važno mi je prepoznati njihove potrebe i pomoći im da pronađu odgovarajuća rješenja i dodatnu podršku kada je to potrebno, kako bi se osjećali sigurnije i uspješnije u školskom okruženju.

? Šta radite da se svi učenici osjećaju jednako prihvaćeno u školi?

Trudim se da svojim pristupom pokažem razumijevanje i jednak odnos prema svim učenicima. Važno mi je razvijati pozitivnu i sigurnu atmosferu u kojoj se svaki učenik može osjećati prihvaćeno, uvaženo i podržano.



BIBLIOTEKAR

Emina Rugovac – Šemsović,
diplomirani bibliotekar



Kako motivirate učenike da više čitaju?

Kao bibliotekar imam veliku prednost jer biblioteka djeluje kao manje „strogo“ mjesto od učionice i djeca je lakše povezuju sa istraživanjem, slobodom i zabavom. Najuspješnije biblioteke za djecu obično stvaraju osjećaj da je knjiga avantura, a ne zadatak. Pa tako bibliotekari naprave mjesto u biblioteci koje je privlačno čitaocima.

Kao na primjer

1. Šareni kutak za čitanje,
2. Police po temama (smještne knjige, misterije, sport),
3. Najsmješniji lik iz neke knjige koji stalno upada u nevolje...

Vizuelni dojam biblioteke je jako važan i organizacija malih izazova za čitaoce, npr.

1. Pročitaj tri knjige tokom mjeseca
2. Pročitaj knjigu koju je izabrao tvoj drug.

Djeca se također motivišu putem nagrada, a nagrade mogu biti: bedž, diploma, ime na zidu biblioteke.

Zatim dati djeci ulogu bibliotekara:

1. Mali bibliotekar sedmice
2. Napraviti policu sa knjigama „Djeca preporučuju“
3. Glasanje za najzanimljiviju knjigu mjeseca.

Posebno je važno da biblioteka bude mjesto gdje dijete ne osjeća strah od greške ili ocjene. Kada osjete slobodu ili radoznalost, mnogo lakše razvijaju naviku čitanja.

Koje biste knjige preporučila da učenici pročitaju tokom ljetnog raspusta.

Ljetni raspust zahtijeva odmor i uživanje, pa zbog toga biblioteka preporučuje neku laganu literaturu, avanturističku, romantičnu, pa bih preporučila za djecu od I-III razreda „Ježevu kućicu“, „Medin rođendan“. Za djecu od IV-VI razreda „Lesi se vraća kući“, „Tom Sojer“. Za djecu od VII-IX razreda „Harry Potter“ i Mirsad Bećirbašić „Pticodrom“.

Na kraju ugodnog razgovora sa sagovornicama ovog intervjua, možemo zaključiti da pomoćnik direktora brine da škola radi organizovano i da se sve aktivnosti odvijaju na vrijeme. Ona je veza između učenika, nastavnika i direktora, pa često sluša ideje i prijedloge učenika.

Sekretar je osoba koja vodi brigu o dokumentima i svakodnevnim poslovima škole. Zahvaljujući njoj, sve informacije i papiri su na pravom mjestu, a škola funkcionira bez zastoja.

Pedagog pomaže učenicima da se bolje slažu, da razvijaju svoje vještine i da prevaziđu poteškoće u učenju. Ona je tu da učenici osjete podršku i da im školski život bude što ljepši.

Psiholog razgovara sa učenicima kada im je teško ili kada žele da se bolje pripreme za izazove. Ima ulogu da učenici nauče kako da se nose sa emocijama i da se osjećaju sigurnije.

Socijalni radnik pomaže učenicima koji imaju probleme van škole, ali i brine da se svi osjećaju jednako prihvaćeno. On povezuje školu sa porodicom i zajednicom, kako bi učenici imali podršku na svim stranama.

Bibliotekar pomaže učenicima da pronađu knjige, informacije i materijale koji im trebaju za školu ili za lični razvoj. Njegova uloga je da učenici razviju ljubav prema čitanju, nauče kako da istražuju i koriste izvore znanja, te da se osjećaju slobodno da postavljaju pitanja i otkrivaju nove ideje. On je podrška u učenju, a biblioteka je mjesto gdje učenici mogu pronaći inspiraciju i mir za rad.

Kroz ovaj intervju shvatili smo da škola nisu samo učionice i knjige, nego i tim ljudi koji se trude da učenici imaju podršku, sigurnost i priliku da se razvijaju. Svaka od naših sagovornica, na čelu sa direktoricom škole, ima važnu ulogu u tome da se osjećamo dobro i da učimo u prijatnom okruženju. Zahvalni smo im na vremenu i na svemu što rade za nas.

05 NAŠI PRVAČIĆI

Dobrodošli u školski svijet!

1.9.2025. godine, u našu školu su došli novi prvačići. Ovog dana su pošli na putovanje puno znanja, prijateljstva i lijepih uspomena.

Škola je prvačićima poželjela dobrodošlicu u svijet učenja i drugarstva – uz želje da im škola bude drugo sigurno i radosno mjesto, gdje će svakog dana rasti i otkrivati svoje talente, da koračaju hrabro, da njeguju drugarstvo, pomažu jedni drugima i vjeruju u sebe, da njihovo školovanje bude ispunjeno uspjesima, druženjima i trenucima koje će pamtili !

Stariji učenici naše škole su prigodnom priredbom poželjeli dobrodošlicu prvačićima. Tu su i fotografije sa prijema prvačića.

Uživajte !

“

Svako dijete je mala zvijezda
i zaslužuje da zasja.

— Nepoznat autor



Voditelji odjeljenja prvačića su:

Učiteljica Adisa Hodžić, učitelj
Sabahudin – Dino Bakal i učiteljica
Sanela Redžić.

06

DRUGI
RAZRED

Dobrodošli u školski svijet!

24.09.2025. godine, učenici II-1, II-2, II-3 i II-4 razreda, u pratnji svojih učiteljica, posjetili su Dječiju kuću i gledali predstavu „Hranjiva priča”. Predstava je pokazala koliko je važno hraniti se zdravo.

Djeca su uživala smijala se i maštala, ali su i shvatila važne poruke.

Pozorište je za djecu posebno važno, jer razvija maštu, uči nas prijateljstvu i lijepom ponašanju, a istovremeno donosi radost i znanje.



ZANIMLJIVOSTI



DA LI STE ZNALI?

Djeca koja jedu voće i povrće imaju više energije za igru i učenje.



HRANITI SE ZDRAVO

Zdrava hrana daje nam snagu, čuva naše tijelo i pomaže nam da rastemo.



ZAŠTO VOLIMO POZORIŠTE?

Pozorište razvija maštu, uči nas empatiji i pomaže nam da bolje razumijemo svijet oko sebe.



06

TREĆI RAZRED

Dobrodošli u školski svijet!

Učenici III-1, III-2 i III-4 naše škole imali su priliku učestvovati u edukativnoj i interaktivnoj turi pod nazivom "Mali ambasadori Sarajeva".

Kroz igru, istraživanje i iskustveno učenje, upoznali su bogato kulturno-historijsko naslijeđe našeg grada i zemlje.

Trećaši su pokazali da učenje može biti istovremeno i zabavno i nezaboravno – a Sarajevo im je postalo još bliže i zanimljivije.



06 ČETVRTI RAZRED

Općina Novo Sarajevo i ove godine obezbijedila je besplatnu školu plivanja za novosarajevske osnovce.

Ukupno 574 učenika četvrtih razreda iz devet osnovnih škola pohađalo je petodnevnu obuku plivanja na bazenu Fakulteta sporta i tjelesnog odgoja Univerziteta u Sarajevu, uz stručni nadzor profesora i instruktora ovog fakulteta. Pored njih i 23 učenika Centra "Vladimir Nazor" bili su uključeni u školu plivanja, kroz posebno prilagođen program.

Projekat „Škole plivanja“ realizirao se u saradnji sa Ministarstvom za odgoj i obrazovanje Kantona Sarajevo, Institutom za razvoj i preduniverzitetsko obrazovanje KS, a Općina Novo Sarajevo je za ove namjene izdvojila 42.000 KM.

Polaznike škole plivanja obišli su načelnica Općine Novo Sarajevo Benjamina Karić, ministrica za odgoj i obrazovanje KS Naida Hota Muminović, direktorica Instituta za razvoj i preduniverzitetsko obrazovanje KS Senada Salihović, te dekan Fakulteta sporta i tjelesnog odgoja Ifet Mahmutović.



Učenici IV razreda naše škole prošli su uspješno obuku plivanja i u sigurnom i podsticajnom okruženju savladali su osnovne plivačke vještine, razvili osjećaj sigurnosti i samopouzdanja u vodi te usvojili zdrave navike redovne fizičke aktivnosti



06

PETI RAZRED

Učenci petog razreda su 6. maja 2026. godine, u okviru aktivnosti „Naše kuće“, a prema preporuci iz Kataloga registriranih programa, realizirali edukativnu posjetu starim bosanskim kućama i kulturno-historijskim znamenitostima Sarajeva.

Tom prilikom obišli su Svrzinu kuću, Despića kuću, Inat kuću, Brusa bezistan, kao i bogomolje u užem jezgru Starog Grada.

Cilj aktivnosti bio je omogućiti učenicima da kroz neposredan kontakt sa kulturno-historijskim naslijeđem Bosne i Hercegovine steknu dublje razumijevanje bogatstva različitih religijskih i kulturnih tradicija koje su oblikovale našu zemlju.

Nakon obilaska kulturnih znamenitosti, učenci su posjetili i zaštićeno područje Kantona Sarajevo – eko-zonu Bentbaša – Kozja ćuprija.

Tokom boravka u prirodi imali su priliku učiti o značaju očuvanja prirodnih i kulturnih vrijednosti, važnosti zaštite okoliša, te razvijati odgovoran odnos prema prirodi i zajednici.

Ova edukativna aktivnost spojila je učenje, druženje i boravak u prirodi, pružajući učenicima vrijedno iskustvo koje će dugo pamtili. Aktiv V razreda, učiteljice: **Sedina Bjelić, Adisa Mrkaljević, Sanida Omerović – Šečić i Selvedina Latić.**



06 ŠESTI RAZRED

U periodu februar – mart 2026. godine, naši učenici iz četiri odjeljenja VI razreda uspješno su okončali svoje aktivnosti u okviru realizacije projekta "Škola skijanja", za učenike šestih razreda na planini Igman.

Nastavnik tjelesnog odgoja i sporta: **Edis Zuko**

Asistenti u nastavi: **Amina Čubara i Haris Beganović**



06 SEDMI RAZRED



U okviru realizacije projekta "Škola planinarstva", za učenike sedmih razreda, 30.09.2025. godine, naši učenici sedmog razreda, obišli su područje Bjelašnice. Staza Bjelašnica: Babin do - Kuća spasa - Lisičija glava - Javorak, ukupne dužine 7 400 m.



10.10.2025. godine, u drugom terminu, naši učenici su obišli područje Igmana. Staza Igman: Veliko polje - skakaonica - ratna džamija - šehidsko mezarje na Velikom polju - prašuma Ravna Vala - Veliko polje, ukupne dužine 7 000 m.



30.10.2025. godine, naši učenici su obišli područje Trebevića. Staza Trebević: Ravne-Dobra voda-Studenac-Dom PD Trebević- Bob staza- Vidikovac - Ravne, ukupne dužine 7 000 m.



06

OSMI RAZRED



Učenici osmih razreda naše škole, 3. decembar 2025. godine, zajedno sa nastavnikom historije Harisom Jusufovićem, posjetili su Memorijalni centar "Novo Sarajevo" na Trgu heroja.

Tom prilikom prisustvovali su historijskom času koji organizuje Udruženje „101. brigada“.



Kroz kulturu sjećanja i prikaz važnih događaja iz perioda odbrambeno-oslobodilačkog rata 1992–1995., učenicima se obratio ratni komadant i pukovnik Šaćir Hrustemović.

On je na zanimljiv i sadržajan način približio značaj tog perioda naše historije. Ova aktivnost realizovana je u sklopu projekta koji finansira Općina Novo Sarajevo



06

DEVETI RAZRED

Ekskurzija učenika IX-1, IX-2 i IX-3



U ekskurziji realiziranoj od 29.09. do 01.10.2025. godine učestvovalo je 69 učenika devetih razreda naše škole. Cilj ekskurzije bio je upoznavanje kulturno-historijskog naslijeđa Bosne i Hercegovine, prirodnih ljepota, razvijanje zajedništva među učenicima, te jačanje osjećaja odgovornosti i pripadnosti školi i društvu.



Učenici su posjetili Titov bunker u Konjicu, Muzej "Bitke za ranjenike" u Jablanici, plovili su Neumskim zaljevom, posjetili su pećinu Vjetrenicu, obišli su Hutovo blato



Pošitelj, Blagaj, Vrelo Bune, Stari most u Mostaru.



Ekskurzija je protekla u odličnoj atmosferi, a učenici su pokazali primjereno ponašanje i veliko interesovanje za znamenitosti koje su obišli. Planirani program je u potpunosti realiziran.



Učenike su na ovom putovanju pratili njihovi razrednici **Dragana Paralović**, **Haris Jusufović** i **Elmedin Spahić**, zajedno s direktoricom škole **Nusretom Jamaković** i pedagogicom **Irmom Nizam**.



06 PRODUŽENI BORAVAK

Dana 11.2.2026. upriličena je vesela posjeta predškolske grupe vrtića "Mašnica" našem produženom boravku. Kroz igru, razgovor i kratki obilazak, mali gosti su zavirili u prostorije produženog boravka i osjetili dio naše svakodnevice.

Kako bismo im uljepšali boravak osmislili smo kratki program u kojem su učestvovali naši učenici. Hvala na lijepoj energiji i radujemo se nastavku tradicije i novom druženju naredne školske godine!

12.2.2026. godine, imali smo posebno drage goste — mališane iz vrtića "Smart" koji su posjetili naš produženi boravak. Uz osmijehe, igru i kratko druženje upoznali su naše učenike, učiteljice i učitelje te dio atmosfere u produženom boravku.

Skupa smo uživali u programu u kojem su naši učenici učestvovali, a naši dragi gosti su također spremili muzičku tačku i sve nas zabavili.

Radujemo se njihovom ponovnom dolasku, a možda uskoro budu i naši budući učenici!



02 POSJETA SREBRENICI

08.10.2025. godine, učenici devetiog razreda naše škole su posjetili Memorijalni centar Potočari-Srebrenica.

Cilj posjete bio je da se učenicima omogući bolje razumijevanje historijskih događaja vezanih za genocid u Srebrenici, te da se razvija kultura sjećanja, tolerancije i mira.

Tokom posjete učenici su prisustvovali historijskom času. Obišli su Memorijalno mezarje, Muzej genocida i izložbu „Koraci“, te pogledali dokumentarni film o događajima iz 1995. godine.

Učenici su pokazali primjereno ponašanje i iskazali poštovanje prema žrtvama, dostojanstveno prateći cjelokupan program posjete.



03 POSJETA CENTRALNOJ BANCİ BOSNE I HERCEGOVINE

28.10.2025. godine učenici II-1, II-2 i II-3 razreda, posjetili su Centralnu banku Bosne i Hercegovine. Na ovaj način su obilježili Svjetski dan štednje. Naučili su kako se izrađuje novac i zašto novac treba da štedimo.

Također, shvatili su da postoji nešto jako važno, ali se ne može kupiti novcem, a to je prijateljstvo, sreća, ljubav.



02

POSJETA USTANOVU ZA SLIJEPA I SLABOVIDNA LICA TMP

19.12.2025. godine, učenici II 4 razreda, u pratnji učiteljice **Aide Begović**, posjetili su Ustanovu za slijepa i slabovidna lica TMP. Tokom posjete upoznali su se s radom zaštitne radionice i programima profesionalne rehabilitacije i zapošljavanja slijepih i slabovidnih osoba.

pratili prezentacije i demonstracije rada. Ova posjeta bila je vrijedna prilika da učenici nauče više o inkluziji, različitostima i važnosti podrške osobama sa invaliditetom, a osoblje ustanove ih je srdačno dočekalo i rado podijelilo svoje iskustvo.



03

POSJETA KASARNI RAJLOVAC

26.12.2025. godine, učenici III-2, zajedno sa direktoricom, asistenticom i učiteljicom, obišli su kasarnu Rajlovac u sklopu Dana otvorenih vrata, povodom Dana Oružanih snaga BiH. Puno toga su vidjeli, naučili i doživjeli – djeca su zaista uživala.



06

POSJETA VIJEĆNICI GRADA SARAJEVA

Grad Sarajevo, ove godine, obilježava 30 godina od potpisivanja Dejtonskog sporazuma. Tim povodom, u Gradskoj vijećnici u Sarajevu, upriličen je program obilježavanja kojim je bila predstavljena izložba posvećena kreiranju mira, mapiranju Atlasa svake zemlje i njenih regija.

Učenici naše Škole VII, VIII i IX razreda, zajedno sa svojim nastavnicima i direktoricom škole, imali su priliku i čast, posjetiti izložbu.



02 POSJETA KONCERTU U DJEČIJOJ KUĆI

23.2.2026. godine, učenici IV-1, IV-2 i IV-3, u pratnji učiteljica Alme Operte, Mirele Kabaši i Aide Ožegović prisustvovali su koncertu „Bajke i muzika za djecu“ Latifa Močevića i Mravka Travka u Dječijoj kući Kroz pjesmu, igru i vedru atmosferu, učenici su uživali u

bogatom i razigranom programu, koji je probudio maštu, radost i osmijehe. Ovakvi susreti s umjetnošću dodatno obogaćuju školski život i razvijaju ljubav prema kulturi.



03 POSJETA ZEMALJSKOM MUZEJU

7.5.2026. godine, učenici odjeljenja IV1, IV2 i IV3, u pratnji svojih učiteljica **Alme Operta**, **Mirele Kabaši** i **Aide Ožegović**, realizirali su edukativnu posjetu Zemaljskom muzeju Bosne i Hercegovine pod nazivom „Kad muzeji progovore“.

Kroz zanimljivo putovanje muzejskim zbirkama učenici su imali priliku učiti o historiji, kulturi, prirodnom bogatstvu i naslijeđu naše domovine. Osmijesi, radoznalost i mnoštvo novih saznanja, pokazali su koliko učenje može biti posebno kada učionica postane muzej.



02 POSJETA NARODNOM POZORIŠTU

17.4.2026. godine, učenice i učenici VII-3 i VII-4 razreda, u Narodnom pozorištu, gledali su balet "Snjeguljica i 7 patuljaka".

U pratnji učenica/ka bila profesorica Saša Knežević.



03 POSJETA DIGITALNOM PUTUJUĆEM MUZEJU - MICRO-FOLIE

13.05.2026. godine učenici VI-3, VI-4 te VIII razreda, u pratnji nastavnica Amele Gadžo, Amine Tvrtković i Nermine Šišić, posjetili su Digitalni putujući muzej – Micro-Folie u Dječijoj kući na Grbavici. Postavka je realizovana povodom Dana Općine Novo Sarajevo, u okviru projekta „MICRO-FOLIE:



Digitalni putujući muzej za Balkan“, koji implementira Francuski institut u BiH u saradnji s Udruženjem „Obrazovanje gradi Bosnu i Hercegovinu – Jovan Divjak“, uz podršku UNESCO-a kroz projekat „Culture and Creativity for the Western Balkans“ (CC4WBs), finansiran od strane Evropske unije.

Micro-Folie je jedinstven modularni prostor, koji omogućava interaktivan pristup umjetničkim djelima iz najvećih svjetskih muzeja, poput Louvrea, Musée d'Orsay i Centra Pompidou, koristeći savremene digitalne tehnologije.

Tokom posjete učenici su imali priliku učiti na zanimljiv i kreativan način, učestvovati u interaktivnim sadržajima i rješavati edukativne zadatke, a najuspješniji i najbrži među njima nagrađeni su slatkišima.

Ova posjeta predstavljala je novo, zanimljivo i inspirativno iskustvo za naše učenike, a naši domaćini pokazali su izuzetnu ljubaznost, gostoprimstvo i susretljivost.



POSJETA SAJMU KNJIGE

Učenici VII -1 proveli su dan u svijetu pisane riječi, posjetivši Sajam knjige u Skenderiji.

Bila je ovo dragocjena prilika da učenici, izvan učioničkih okvira, osjete atmosferu velikog kulturnog događaja i istraže bogatu ponudu savremene književnosti. Razgovarali su o važnosti čitanja i otkrivali nove naslove, koji će zasigurno obogatiti njihovu maštu i rječnik.

Učenici su s velikim zanimanjem obilazili štandove i birali knjige koje će ponijeti kući. Ovakvi susreti s knjigom najbolji su način za njegovanje ljubavi prema jeziku i umjetnosti, te jačanje naše male razredne zajednice kroz zajedničko druženje.

Razrednica: Mirzeta Bašić

Učenici odjeljenja VI-3 i VI-4 su, u pratnji razrednica **Amine Tvrtković** i **Nermine Šišić**, te nastavnika bosanskog jezika **Nedžada Gadže** i asistentice **Samre Ademović**, posjetili Sarajevski sajam knjiga 2026., u okviru Dječijeg paviljona pod nazivom „**Kuća mašte i snova**“.

Tokom posjete učenici su imali priliku učestvovati u raznovrsnim edukativnim i kreativnim sadržajima koji objedinjuju knjigu, priču, igru, muziku i pokret. Program je kod učenika pobudio interesovanje za književnost, te im omogućio da na interaktivan i zanimljiv način razvijaju maštu i ljubav prema čitanju.



02

POSJETA KINU
CINEPLEXX SARAJEVO

Učenici odjeljenja IV1, IV2, III1 i III2, u pratnji učiteljica Alme Operte, Edine Mujkić, Amire Feraget i Mirele Kabaši, proveli su jedan poseban dan u kinu Cineplexx gledajući film „Glavonja“ – toplu priču o inkluziji, prihvatanju i vrijednosti različitosti. Iako ih je pratila kiša i loše vrijeme, osmijesi, dobro raspoloženje i zajednički duh nisu izostali, jer najljepše uspomene nastaju upravo u ovakvim trenucima.



03

POSJETA MUZEJU
RATNOG DJETINJSTVA

Učenici odjeljenja VI/2 25.3.2026. godine, posjetili su Muzej ratnog djetinjstva, gdje su imali priliku obići i izložbu „U Sarajevu sve po starom“. Ova izložba rezultat je istraživačkog rada mladih koji su kroz svoj angažman nastojali propitati „opštepoznate istine“

Posjeta je bila izuzetno edukativna i poticajna za učenike, koji su kroz izložene sadržaje razvijali empatiju, kritičko mišljenje i svijest o važnosti razumijevanja i uvažavanja različitosti. U pratnji učenika bili su **prof. Saša Knežević**, i asistentica u nastavi **Amina Čubara**.



04

POSJETA STADIONU GRBAVICA –
DOM FK ŽELJEZNIČAR

Učenici II-3 imali su priliku posjetiti Stadion Grbavica – dom FK Željezničar. Kroz obilazak stadiona upoznali su se s bogatom sportskom tradicijom, zavirili iza kulisa i osjetili posebnu atmosferu ovog kulturnog mjesta.

Učiteljica: Selma Tahmišćija



02

POSJETA TUNELU SPASA
I EDUKACIJSKOJ KUĆI

Posjeta Tunelu spasa i Edukacijskoj kući, realizovana je 16.04.2026. godine za učenike devetih razreda naše škole. Ukupno 51 učenik, u pratnji nastavnika **Elmedina Spahića**, **Dragane Paralović** i **Fikrete Jakubović**, imao je priliku upoznati se s važnim historijskim činjenicama iz perioda opsade Sarajeva.

Kroz obilazak i edukativne sadržaje učenici su proširili svoja znanja, razvijali svijest o značaju historije i pokazali veliko interesovanje za ovu važnu temu.



03

SEKCIJE U NAŠOJ ŠKOLI

Učenici i učenice naše škole veoma su kreativni, nadareni, talentirani. Svoju kreativnost, nadarenost i talenat njeguju i razvijaju kroz mnogobrojne sekcije koje se realiziraju u našoj školi.

U školi imamo:

- Mali hor
- Folklornu sekciju
- Dramsku sekciju
- Recitatorsku sekciju
- Ritmičku sekciju
- Likovnu sekciju
- Matematičku sekciju
- Ekološku sekciju
- Održivi razvoj
- Glas škole
- Školski časopis
- Sekciju engleskog jezika
- Sekciju njemačkog jezika
- Saobraćajnu patrolu
- Modelare
- Šahovsku sekciju
- NUS / Prva pomoć
- Planinarsku sekciju
- Geografsku sekciju
- Sportsku sekciju
- Odbojkašku sekciju
- Stoni tenis
- Naši prvačići kreativnost izražavaju kroz aktivnosti Malih kreativaca

Sekcije u našoj školi kontinuirano rade na obilježavanju značajnih datuma, učestvuju na mnogim konkursima, idu u posjete, učestvuju na školskim priredbama i manifestacijama izvan škole.

U nastavku donosimo aktivnosti samo nekoliko sekcija, a u narednim izdanjima ovog časopisa, radujemo se predstavljanju i ostalih sekcija u školi.



04

SEKCIJA NJEMAČKOG JEZIKA

23. 09. 2025. godine - Magični utorak – posjeta Muzeju Optičkih Iluzija Sarajevo
Učenici V-3 i V-4, članovi sekcije njemačkog jezika, u pratnji nastavnice Irine Čehić, posjetili su nezaboravnu destinaciju za edukaciju i zabavu. Uživali su u svijetu koji prkosi objektivnoj stvarnosti.

Ovo je bio dan upoznavanja, druženja i drugarstva.

Na najljepši način su se upoznali svi članove ove sekcije.
Naravno, dan se završio ukusnim slasticama.



05

POSJETA MUZEJU OSAMDESETIH

20.10.2025. godine, članovi sekcije njemačkog jezika, u pratnji nastavnice Irine Čehić, posjetili su Muzej osamdesetih. Ovaj muzej je poseban, jer su učenici mogli dodirnuti sve eksponate, isprobati rad na pisačkoj mašini, voziti sobni bicikl, otvoriti svaku ladicu i ormare, te čitati stare novine i spomenare.

Ovaj muzej je interaktivna priča i kutak nostalgije, u kojem se osjećaju duh i život drugačijeg života. Za one koji žele doživjeti autentičan osjećaj osamdesetih, ovo je nezaobilazna destinacija.

Nakon posjete muzeju, uživali su u Žutom kutku i dan začinili ukusnim palačincima.



06

EKOLOŠKA SEKCIJA

18.12.2025. godine, u prepunom holu škole održano je zanimljivo i poučno predavanje na temu razdvajanja otpada i recikliranja, s posebnim naglaskom na njihov značaj za očuvanje okoliša.

Predavanje je bilo interaktivno, a učenici su kroz pitanja, primjere i diskusiju aktivno učestvovali u radu. Ovaj događaj organizovala je ekološka sekcija škole, pod vodstvom voditeljice Aide Ožegović, koja kontinuirano podstiče učenike na razvijanje ekološke svijesti i odgovornog ponašanja.



07

EKOLOŠKA SEKCIJA U AKCIJI!

Članovi Ekološke sekcije naše škole, zajedno s ljubiteljima ekologije, izvršili su čišćenje školskog dvorišta i učinili našu školu još ljepšom i čistom! Za članove Ekološke sekcije, je uvijek čista avlija prioritet!



08

UČEŠĆE NAŠE ŠKOLE NA PREZENTACIJI PROJEKTA "ETERNA CAPSULE COLLECTION"

Ekološka sekcija naše škole uspješno je učestvovala na prezentaciji projekta "Eterna Capsule Collection", koja je održana 25. septembra 2025. godine u JU Međunarodni centar za djecu i omladinu. Tokom događaja, učenici su imali priliku da predstavljaju svoj rad i ideje u okviru ovog inovativnog projekta, koji spaja modu i održivost.

Takođe su učestvovali na pratećoj kreativnoj radionici, gdje su kroz praktičan rad i razmjenu iskustava dodatno razvijali svijest o značaju ekologije i održivog razvoja. Ponosni smo na naše učenike i nastavnicu Aidu Ožegović, voditeljicu ekološke sekcije, koji svojim angažmanom doprinose očuvanju životne sredine i promovišu ekološke vrijednosti.



09

FOLKLORNA SEKCIJA

U četvrtak, 18.12.2025. godine u Sportskoj dvorani "Goran Čengić", održana je Smotra folklora i modernog plesa 2025.

Učenici Folklorne sekcije s ponosom su predstavili našu školu, prenoseći kroz svoj nastup ljubav prema folkloru, tradiciji i zajedništvu.

Učenike je pripremao Ibrahim Katanić iz KUD-a "Lola" i učiteljica Hana Šurković..



13

OBILJEŽAVANJE ZNAČAJNIH DATUMA

25. NOVEMBAR

DAN DRŽAVNOSTI BOSNE I HERCEGOVINE

Učenici naše škole su na prigodan način obilježili **25. novembar Dan državnosti Bosne i Hercegovine**. Svi učenici škole su uzeli učešće u obilježavanju ovog značajnog praznika.

Svako odjeljenje je na svoj način dalo doprinos u obilježavanju Dana državnosti naše domovine.

U prilogu su fotografije koje govore više od riječi.



15

DAN RUŽIČASTIH MAJICA

Naša škola i ove godine bojila je školu u ružičasto povodom Dana ružičastih majica, Međunarodnog dan borbe protiv vršnjačkog i nasilja, koji se širom svijeta obilježava posljednje srijede u februaru

Učenici i nastavnici su nošenjem ružičastih majica poslali snažnu poruku prijateljstva, poštovanja, tolerancije i podrške. Kroz razgovore, radionice, izradu plakata i kreativne aktivnosti, učenici su učili o važnosti prihvatanja različitosti, razvijanja empatije i nenasilnog rješavanja sukoba.

Dan ružičastih majica nas podsjeća da svako od nas može doprinijeti stvaranju sigurnog i podsticajnog školskog okruženja u kojem se svako dijete osjeća prihvaćeno, poštovano i zaštićeno.

Naša poruka koju smo taj dan poslali je, " Budi glas koji štiti, ne šutnja koja boli"

U produženom boravku obilježili su Dan ružičastih majica kroz niz aktivnosti posvećenih razvoju empatije i nenasilne komunikacije.

Učenici drugog razreda učestvovali su u ciklusu pedagoških radionica, te kroz igre uloga i zabavne zadatke učili su razlikovati sukob i nasilje. Naučili su prepoznavati snagu lijepih riječi.



Prvačići su kroz edukativne aktivnosti upoznali značaj ovog dana i važnost dobrote i ljubaznosti. Posebno su nas obradovali izvedbama recitacija i igrokaza. Kreativnom likovnom radionicom zajednički su uredili pano u holu škole, šaljući jasnu poruku da nasilje nema mjesta među nama.



Učenici svih razreda su obilježili na različite načine ovaj značajan datum. U prilogu su fotografije koje govore više od riječi...



16

DAN NEZAVISNOSTI BOSNE I HERCEGOVINE

27.2.2026. godine, u našoj školi je održana svečana priredba povodom **Dana nezavisnosti Bosne i Hercegovine.**

Priredbu su pripremili učenici škole. U publici su bili gosti i ponosni roditelji sa osmjesima na licima. Na priredbi je bilo mnogo uzbudljivih i zanimljivih izvedbi.

Svojim recitacijama, plesom, pjesmama i glumom, učenici su pokazali koliko vole i poštuju domovinu, Bosnu i Hercegovinu.

Ova priredba je bila nešto šta će svi koji su bili prisutni pamti.



10

VIJEĆE UČENIKA

29.12.2025. godine, Vijeće učenika naše škole, u pratnji pedagoga i psihologa, posjetilo je SOS Dječije selo s ciljem uručivanja slatkiša prikupljenih zahvaljujući nesebičnoj podršci svih učenika i njihovih roditelja.

Tokom posjete učenici su imali priliku upoznati se s radom SOS Dječijeg sela, razgovarati s uposlenicima o načinu funkcionisanja ove ustanove, te razmijeniti ideje o mogućim oblicima buduće saradnje. Susret je protekao u izuzetno toploj i prijateljskoj atmosferi, ispunjenoj osmijesima, lijepim riječima i iskrenim porukama solidarnosti.

Ovakve aktivnosti nas podsjećaju na važnost zajedništva, empatije i brige za one kojima je to najpotrebnije.



Povodom obilježavanja Svjetskog dana osoba sa Downovim sindromom, koji se svake godine obilježava 21. marta, Vijeće učenika naše škole s ponosom ističe važnost razumijevanja, prihvatanja i uvažavanja različitosti koje nas obogaćuju kao zajednicu.

Ovaj datum nije odabran slučajno, on simbolizira jedinstvenost osoba sa Downovim sindromom, jer se odnosi na trisomiju 21. hromozoma, genetsku karakteristiku u kojoj je ovaj sindrom prepoznatljiv. Upravo zato 21.03. nosi snažnu poruku o prihvatanju

jednakosti. Učenici naše škole su kroz različite aktivnosti poslali snažnu poruku da je inkluzija temelj zdravog i pravednog društva. U ime Vijeća učenika, pozivamo sve da budemo podrška jedni drugima svakog dana. Različitost nije prepreka, ona je snaga koja nas spaja. Zajedno stvaramo školu u kojoj svi pripadamo." JU OŠ "GRBAVICA II" - VIJEĆE UČENIKA



11

2. APRIL – SVJETSKI DAN SVJESNOSTI O AUTIZMU

Ovaj dan nas podsjeća koliko je važno razvijati razumijevanje, poštovanje i prihvatanje različitosti među ljudima. Osobe s autizmom svijet doživljavaju na svoj jedinstven način, a na nama je da učimo, slušamo i pružimo podršku. Kao školska zajednica, želimo graditi okruženje u kojem se svaki učenik osjeća sigurno, prihvaćeno i vrijedno.

Male geste pažnje, lijepa riječ i otvoreno srce mogu napraviti veliku razliku. Pozivamo sve da svakog dana, budemo glas podrške, prijateljstva i inkluzije. Zajedno možemo graditi društvo u kojem ima mjesta za sve. Poruku upućuje Vijeće učenika JU OŠ "Grbavica II" **Sažmi!**



12

DAN PLANETE ZEMLJE – 22. APRIL

Dan planete Zemlje nas podsjeća da je Zemlja naš jedini dom i da je naša odgovornost da je čuvamo. Kao Vijeće učenika, želimo potaknuti sve učenike, nastavnike i roditelje da malim, ali važnim koracima doprinesu očuvanju prirode:

- reciklirajmo,
- sadimo drveće,
- štedimo vodu,
- racionalno koristimo energiju.

Svaka naša odluka danas oblikuje svijet sutra. Budimo generacija koja brine, djeluje i ostavlja pozitivne tragove.

Čuvajmo našu planetu Zemlju, jer ona čuva nas!
Vijeće učenika JU OŠ "Grbavica II"
" **Sažmi!**

Povodom obilježavanja Dana planete Zemlje, članovi Vijeća učenika, u pratnji stručne službe škole, posjetili su Botanički vrt i druge muzejske odsjeke u sklopu Zemaljskog muzeja Bosne i Hercegovine.

Kroz ovu edukativnu posjetu učenici su imali priliku upoznati bogatstvo biljnog i prirodnog svijeta, kao i vrijedne muzejske zbirke koje svjedoče o kulturnoj i prirodnoj baštini. Ovom aktivnošću obilježili su Dan planete Zemlje, razvijali ekološku svijest i podsjetili na važnost očuvanja prirode, ali i upoznavanja kulturnog naslijeđa.

Snažni!



10

KREATIVNI KUTAK
LIKOVNI I LITERARNI RADOVI

Rezultati školskog konkursa likovnih i literarnih radova na temu " Mojoj dragoj Bosni i Hercegovini".

Ovogodišnji konkurs još jednom je pokazao koliko kreativnosti, talenta i mašte imaju naši učenici.

Svaki rad je bio poseban i vrijedan pohvale. Iako konkurs nije imao materijalne nagrade, komisija je izvršila rangiranje kako bi istakla posebno uspješne radove.

Likovni i literarni radovi su bili izloženi u holu škole, gdje su ih učenici, nastavnici i posjetioци mogli pogledati i uživati u kreativnosti naših učenik



LIKOVNI RADOVI (I - V RAZRED)	
01	GABRIELA PEHAR (V4)
02	HENA ŽOČIĆ (II2)
03	AJNA ISOVIĆ (II2)

LIKOVNI RADOVI (V - IX RAZRED)	
01	ADILA HAMIDOVIĆ (IX3)
02	TAJRA PAČUKA (IX1)
03	AJLA TALOVIĆ (VIII2)

LITERARNI RADOVI	
01	1. mjesto: Dario Ibrahimović (VI4)
02	2. mjesto: Dario Ibrahimović (VII1)
03	3. mjesto dijele: Afan Spahić (V3) i Dea Zuko (VIII1)

11

UČEŠĆE NA
LIKOVNOJ RADIONICI

Povodom obilježavanja Dana Općine Novo Sarajevo, u Internacionalnom centru za djecu i omladinu, održana je likovna radionica „Sloboda u srcu 14“, na kojoj su učestvovali i učenici naše škole.

Kroz likovni rad učenici su obrađivali teme ekologije, ljubavi prema gradu i slobode, razvijajući kreativnost i svijest o očuvanju životne sredine.

Nastavnica Amina Biser.



12

PROJEKTI

PROJEKAT – KAD PLANINAR POSTANE PODUZETNIK


Učenci IX-2 razreda uspješno su završili projekat „Kad planinar postane poduzetnik“, koji je bio usmjeren na razvijanje poduzetničkih vještina i finansijske pismenosti. Tokom projekta, učenici su pokazali izuzetnu kreativnost, odgovornost i timski rad.

Prema zadacima i uputama koje su im dodijeljene, marljivo su:

- istraživali različite izvore informacija,
- osmišljavali poslovne ideje,
- razvijali jednostavne poslovne planove,
- procjenjivali troškove i prihode,
- te predstavljali svoje projekte pred razredom.

Posebno pohvaljujemo njihovu sposobnost da povežu lične interese i hobije s realnim poduzetničkim mogućnostima, baš kao što je planinar iz njihove priče svoj hobi pretvorio u posao. Ovaj projekat dokazao je da učenici posjeduju izuzetne ideje, vještine i potencijal da budu budući inovatori i poduzetnici. Čestitamo svim učesnicima na uspješnom radu!

Radujemo se novim projektima i izazovima. Najbolje urađeni i predstavljeni projekat uradili su učenici: Zaara Tahmaz, Ajša Musić, Irfan Turković, Faris Bibić, Edin Velić, Ahmed Karić. Nastavnici koji su radili na planu razvoja projekta: Mirzeta Bašić, Ahmet Bjelić, Dragana Paralović, Azra Hurtić, Emina Kozarčanin, Emina Alimanović, Edin Bekan, Haris Jusufović, Irina Čehić.



Natura Taste

Zaara Tahmaz, Ajša Musić, Irfan Turković, Faris Bibić, Edin Velić, Ahmed Karić

EU "Međunarodni centar za djecu i omladinu"
Projekat – Kad planinar postane poduzetnik – IX-2 razred

Ideja

Naš projekat spaja tradicionalne domaće proizvode s modernim užim na putu c bndičih mlječnih i mesnih proizvoda. Organizovaćemo live događaja na lokacijama zaustavu, gdje će prolaznici moći degustirati i kupovati naše proizvode. Naš cilj je spojiti ukus, prirodu i zdravlje u obroke.



EU "Međunarodni centar za djecu i omladinu"
Projekat – Kad planinar postane poduzetnik – IX-2 razred



Okus tradicije snaga prirode
Domaće. Prirodno. Nije.



Marketing

Promocija putem društvenih mreža, video priča proizvodima na lokalnim događanjima.

Organizovaćemo live događaja na lokacijama zaustavu, gdje će prolaznici moći degustirati i pića biti dostupni.

Cilj je približiti zdravu hranu planinarima, dok istovremeno promoviramo održivi način života.

EU "Međunarodni centar za djecu i omladinu"
Projekat – Kad planinar postane poduzetnik – IX-2 razred



Proizvodi se namijenjeni svima koji žele živjeti zdravije i hraniti se kvalitetnije. Posebno ljudima koji nemaju vremena ili na putu, a cijene prirodne i kvalitetne domaće proizvode.

EU "Međunarodni centar za djecu i omladinu"
Projekat – Kad planinar postane poduzetnik – IX-2 razred

Trošenje novca

Glavni dio sredstava ide na kupovinu za nabavku domaćih sirovina i opreme neophodne za pripremu proizvoda. Naš troškovni uključuje: sirovine, pakovanje, promotivni materijal, online promociju i troškove transporta. Planiramo pažljivo upravljanje budžetom kako bi osigurali kvalitet i održivost.



EU "Međunarodni centar za djecu i omladinu"
Projekat – Kad planinar postane poduzetnik – IX-2 razred

Novac i zarada

Marže na različite – veće na suvenirnim proizvodima (10%), srednje na proizvodima iz hladnjaka i oman trajanja (25%), manje na proizvode koje je brzo roftiraju (5–10%). Budiramo zaradu dubi za pokrivanje troškova, otplatu ute lenos i unapredjenje ponude. 10% prihoda odvajamo za lokalnu zajednicu.



EU "Međunarodni centar za djecu i omladinu"
Projekat – Kad planinar postane poduzetnik – IX-2 razred



13

PROJEKTI

PROJEKT PUTOVANJE KROZ PROŠLOST BOSNE I HERCEGOVINE

U novembru 2025. godine, učenici V-4 uspješno su realizovali projekat „Putovanje kroz prošlost Bosne i Hercegovine“, čiji je cilj bio da se djeca na kreativan, razumljiv i zanimljiv način upoznaju s bogatom historijom naše domovine.

Kroz istraživanje, prezentacije, snimanja reportaža, igrokaze, pjesme, panoe, debate i grupni rad, učenici su prošli kroz pet ključnih historijskih perioda: Srednjovjekovna Bosna, Bosna pod Osmanskim Carstvom, BiH u doba Austro-Ugarske Monarhije, BiH unutar SFRJ, Suverena i nezavisna Bosna i Hercegovina.

Učenici su kroz ovaj projekat razvijali istraživačke vještine, timski duh, kreativnost i osjećaj pripadnosti domovini.

Na kraju aktivnosti organizovali su zajedničku prezentaciju gdje su ponosno predstavili svoj rad svojim roditeljima i drugarima iz drugih odjeljenja. Ponosni smo na trud, znanje i entuzijazam naših učenika i njihovih roditelja, koji su im s velikom posvećenošću pomogli da zajedno prođu ovo zanimljivo putovanje kroz prošlost.

Bosna i Hercegovina ima bogatu historiju, na koju svi trebamo biti ponosni.

Učiteljica **Selvedina Latić**
Nastavnici **Amel Mujkić** u
Ahmet Bjelić



18

21. MART – SVJETSKI DAN DJECE SA DOWN SINDROMOM

Učenici II-3 obilježili su ovaj dan noseći različite čarape kao simbol podrške i prihvatanja različitosti. Pokazali su koliko je važno uvažavati i voljeti jedni druge baš takve kakvi jesmo.

Učiteljica Selma Tahmišćija



Učenici II-2 obilježili su ovaj dan s puno ljubavi, razumijevanja i radosti. Kroz razgovor i kreativne aktivnosti pokazali su koliko je važno prihvatiti i voljeti jedni druge baš takve kakvi jesmo.

U znak podrške djeci sa Down sindromom, obojili su šarene čarape – simbol različitosti, ali i ljepote koju ona nosi.



Svaka čarapa bila je posebna, baš kao i svako dijete, podsjećajući nas da su razlike ono što nas čini jedinstvenima i vrijednima. Zajedno su poslali poruku prijateljstva, prihvatanja i podrške – jer svako dijete zaslužuje ljubav, pažnju i priliku da zasija.

Učiteljica Amna Ćatić



19

MUZIČKO-SCENSKI PROGRAM POVODOM 19. MARTA – DANA REINTEGRACIJE OPŠTINE NOVO SARAJEVO

U prostoru Historijskog muzeja Bosne i Hercegovine održan je muzičko-scenski program posvećen obilježavanju 19. marta – Dana reintegracije opštine Novo Sarajevo. Ovaj umjetnički događaj bio je posvećen kulturi sjećanja i evociranju historije otpora Sarajeva tokom najtežih godina njegove opsade. Kroz pažljivo osmišljen program, umjetnici su publici ponudili snažan emotivni i estetski doživljaj, spajajući poeziju, muziku i scenski izraz u jedinstvenu cjelinu.



Centralni dio programa činile su dvije muzičke numere koje su duboko ukorijenjene u kolektivnom pamćenju i identitetu Bosne i Hercegovine. Izvedena je pjesma „Ostajte ovdje“, nastala na tekst Alekse Šantića i muzika Dražen Žerić Žera, kao i kompozicija „Bosna“, na tekst Abdulaha Sidrana i muzika Elvir Solak. Historijsko-poetski tekst Nihada Kreševljakovića o Grbavici su interpretirali glumci Belma Sakunić i Faruk Hajdarević, čija je sugestivna izvedba dodatno naglasila snagu poetske riječi i njen značaj u očuvanju historijskog pamćenja.



Program je kreirao Međunarodni centar za djecu i omladinu Novo Sarajevo, s ciljem da podsjeti na važnost reintegracije kao historijskog trenutka, ali i kao trajne obaveze očuvanja vrijednosti slobode, zajedništva i dostojanstva. Kroz umjetnost kao univerzalni jezik, događaj je potvrdio da sjećanje nije samo čin prisjećanja, već i aktivan odnos prema prošlosti koji oblikuje našu sadašnjost i budućnost.



Muzičkom performansu prisustvovali su učenici osnovnih škola reintegrisanog područja - OŠ "Grbavica I", OŠ "Grbavica II" i OŠ "Kovačići". Ovim programom još jednom je potvrđena uloga umjetnika i kulturnih institucija u njegovanju kulture sjećanja i izgradnji društvenog dijaloga.



20

OBILJEŽAVANJE DANA SJEĆANJA NA UBIJENU DJECU OPKOLJENOG SARAJEVA

6.5.2026. godine, učenici sedmih i devetih razreda naše škole, u pratnji svojih nastavnika i razrednika, posjetili su spomen-obilježje djeci ubijenoj u opkoljenom Sarajevu 1992–1995.

Učenjem Fatihe i minutom šutnje naši učenici su odali počast svojim vršnjacima čiji su životi prekinuti u ratnom vihoru. Ovim činom još jednom smo istakli važnost kulture sjećanja i edukacije mladih o značaju mira i slobode. Prisustvo naših učenika na ovoj manifestaciji dokaz je da generacije koje dolaze čuvaju uspomenu na nevine žrtve našeg grada, uz obećanje da njihova mladost i snovi nikada neće biti zaboravljeni.

Zahvaljujemo se svim učenicima i nastavnicima na dostojanstvenom predstavljanju naše škole.



12

USPJESI NA TAKMIČENJIMA



ŠKOLSKA TAKMIČENJA

Rezultati školskih takmičenja – decembar 2025. godine
U mjesecu decembru 2025. godine u našoj školi uspješno su realizovana školska takmičenja iz fizike i matematike. Učenici su pokazali izuzetno znanje, trud i zalaganje, a u nastavku donosimo pregled postignutih rezultata.



ŠKOLSKO TAKMIČENJE IZ BJIK, HJIK, SJIK

30.3.2026. god. u JU OŠ „Grbavica II“ održano je takmičenje učenika VII i VIII razreda iz BJIK, HJIK, SJIK za školsku 2025/2026. godinu.

Nakon završenog takmičenja i pregledanih radova, predmetnih nastavnika: Mirzete Bašić VII – 1,2,3,4 i Amele Gadžo VIII – 1,2,3 učenici su ostvarili sljedeći plasman:

VII RAZRED

1. Ali Sakoč VII – 1
2. Omer Gušević VII – 2
3. Džana Čatović VII – 4

VIII RAZRED

1. Iman Tahirović VIII – 3
2. Džan Musić VIII – 2
3. Zari Musić VIII – 2



Školsko takmičenje iz matematike (17.12.2025.) – IX razred

1. mjesto: Kaan Kačapor
2. mjesto: Nedžla Bušatlić
3. mjesto: Amina Spahić

Nastavnica: Dragana Paralović



Školsko takmičenje iz matematike (22.12.2025.) – VIII razred

1. mjesto: Ajla Talović
2. mjesto: Ilma Šemić
3. mjesto: Aida Talović

Nastavnica: Nermina Šišić



Školsko takmičenje iz fizike (23.12.2025.) – IX razred

1. mjesto: Adila Hamidović
2. mjesto: Harun Suljević
3. mjesto: Ahmed Halilagić

Nastavnik: Asim Grbo



Školsko takmičenje iz fizike (23.12.2025.) – VIII razred

1. mjesto: Džan Musić
2. mjesto: Luna Tičić
3. mjesto: Karim Čengić

Nastavnik: Asim Grbo



Školsko takmičenje iz matematike (30.12.2025.) – VI razred

1. mjesto: Tarik Piralčić
2. mjesto: Uma Njemčević
3. mjesto: Zeina Mujezinović

Nastavnica: Nermina Šišić

13

USPJESI NA TAKMIČENJIMA



ŠKOLSKO TAKMIČENJE IZ INFORMATIKE

U ponedjeljak, 09.02.2026. godine u našoj školi održano je školsko takmičenje iz informatike za učenike IX razreda.

Učenici koji su postigli najbolje rezultate i koji su predstavljali našu školu na Općinskom takmičenju su:

1. mjesto Harun Suljević
2. mjesto Aiša Beganović
3. mjesto Ahmed Halilagić

Općinsko takmičenje iz informatike za osnovne škole u Kantonu Sarajevo održano je 17. marta 2026. godine, s ekipnim plasmanom na kantonalno takmičenje za najbolje timove.

Ekipo naše škole predstavljali su pobjednici sa školskog takmičenja i osvojili su 4. mjesto sa 84 boda.



ŠKOLSKO TAKMIČENJE IZ HEMIJE

Na školskom takmičenju devetih razreda iz Hemije, učestvovala su dva učenika Amina Spahić i Tarika Zaklan.

Rezultati su bili sljedeći:

1. Amina Spahić
2. Tarika Zaklan

12

USPJESI NA TAKMIČENJIMA



ŠKOLSKO TAKMIČENJE IZ NJEMAČKOG JEZIKA

Na školskom takmičenju iz njemačkog jezika, održanom 18. februara 2026. godine, učestvovalo je sedam učenika devetog razreda.

Postignuti su sljedeći rezultati:

1. mjesto – Babović Timur (IX-1)
2. mjesto – Paćuka Dalia (IX-1)
3. mjesto – Paćuka Tajra (IX-1)
4. mjesto – Spahić Amina (IX-2) i Fejzić Bilal (IX-3)
5. mjesto – Bajtarević Lamija (IX-1)
6. mjesto – Jusifagić Emir (IX-1)



ŠKOLSKO TAKMIČENJE IZ VJERONAUKA

Školsko takmičenje iz Vjeronauke održano je 17.2.2026. godine.

Učenik Ahmed Halilagić bio je sam ispred IX razreda, tako da se odmah i plasirao za Kantonlano takmičenje.

VIII razred:

1. mjesto – Muhamed Isović
2. mjesto – Aiša Bajrović
3. mjesto – Hamdija Petrović

13

USPJESI NA TAKMIČENJIMA



ŠKOLSKO TAKMIČENJE IZ HISTORIJE

Školsko takmičenje iz Historije, održano je 01.04.2026. godine.

Postignuti su sljedeći rezultati:

1. Ajnur Ćelebić
2. Tarik Bilić
3. Bekir Nakić



ŠKOLSKO TAKMIČENJE IZ GEOGRAFIJE

Školsko takmičenje iz geografije, održano je 11.02.2026.godine.

Postignuti su sljedeći rezultati:

- 1.mjesto Paćuka Dalia
- 2.mjesto Muftić Mona
- 3.mjesto Spahić Amina
- 4.mjesto Paćuka Tajra

14

USPJEH NAŠIH UČENIKA NA OPĆINSKIM TAKMIČENJIMA



OPĆINSKO TAKMIČENJE „UPOZORAVANJE NA MINE“! 🏆

Učenice VII razreda Osnovne škole „Grbavica II“, članice sekcije „Misli mine“, ostvarile su izuzetan uspjeh osvojivši treće mjesto na XXVIII Općinskom takmičenju učenika osnovnih škola „Upozoravanje na mine“, održanom 12. novembra 2025. godine u Dječijoj kući Novo Sarajevo.

Našu školu su predstavljale: Zara Kapetanović, Naida Hadžihasanović, Esma Hasanagić i Dalia Hadžić

Ekipa je vrijedno radila i pripremala se pod mentorstvom nastavnika Elmedina Spahića.

Takmičenje je organizovala Općinska organizacija Crvenog križa Novo Sarajevo u saradnji s Međunarodnim centrom za djecu i omladinu Novo Sarajevo, s ciljem jačanja svijesti učenika o opasnostima od mina i neeksplozivnih ubojitih sredstava.

Ponosni smo na naše učenice i njihovog mentora na postignutom uspjehu!



16

OPĆINSKO TAKMIČENJE IZ PRVE POMOĆI



Sa ponosom objavljujemo da su učenice naše škole ostvarile izvanredan rezultat na XXVII Općinskom takmičenju iz pružanja prve pomoći, osvojivši **PRVO MJESTO!** 🏆

Našu školu su predstavljale: Klijuno Iman - kapiten, Zuka Hana - tehničar,

Đono Ela - tehničar, Dervišević Hena - tehničar, Hadžihasanović Naida - tehničar, Hadžić Dalia - tehničar, Kapetanović Zara - tehničar i Hasanagić Esma - tehničar

Voditelj sekcije: Elmedin Spahić



17

USPJESI NAŠIH UČENIKA NA OPĆINSKIM TAKMIČENJIMA



Naše učenice su pokazale izuzetno znanje, spretnost, timski rad i humanost u simuliranim situacijama pružanja prve pomoći. Ovaj uspjeh je rezultat njihovog truda, zalaganja i kontinuiranog rada.

Čestitamo našoj ekipi na sjajnom uspjehu i dostojnom predstavljanju škole.



OPĆINSKO TAKMIČENJE „PROJEKT GRAĐANIN / PROJEKAT JA GRAĐANIN“

Učenici naše škole osvojili su 3. mjesto na općinskom takmičenju „Projekt građanin / Projekat Ja građanin“.

Kroz predan rad, istraživanje i timsku saradnju, učenici su predstavili kvalitetno i društveno korisno rješenje, pokazujući visok nivo građanskih kompetencija, kritičkog mišljenja i odgovornosti prema zajednici.

Školu je predstavljalo odjeljenje VII 1 sa svojim projektom, a učenici izlagači su: Naida Hadžihasanović, Adem

Ždralović, Ali Sakoč, Danis Subašić, Bekir Nakić, Ajnur Čelebić, Esma Šurković i Dea Zuko.

Učenike je pripremala nastavnica građanskog obrazovanja Selma Karović.



18

OPĆINSKO TAKMIČENJE IZ TEHNIČKE KULTURE



Općinsko takmičenje iz tehničke kulture održalo se 09.04.2026. godine u JU OŠ "Kovačići". Ekipu naše škole predstavljali su učenici Spahić Afan, Sokić Arslan, Babić Hamza, Cucak Asja, Jejna Anur.

Takmičenje se realizovalo izradom testova, praktičnom radu i izložbom radova iz nastave.

Rezultati sa takmičenja:

- V razred Spahić Afan 3. **mjesto** 🏆
- VI razred Sokić Arslan 2. **mjesto** 🏆
- VII razred Babić Hamza 1. **mjesto** 🏆



ŠAMPIONI 🏆🏆🏆

U sportskoj dvorani "Goran Čengić" na Grbavici održana je Liga u košarci učenika osnovnih škola Općine Novo Sarajevo.

Takmičenje su organizovali Općina Novo Sarajevo i Košarkaški klub "Sampi"

Učestvovali su učenici 6. i 7. razreda škola sa područja Općine.

- VIII razred Cucak Asja 2. **mjesto** 🏆
 - IX razred Jejna Anur 1. **mjesto** 🏆
- Praktičan rad 1. **mjesto** 🏆

U ukupnom plasmanu naša škola je zauzela 1. **mjesto** sa osvojenih 195 bodova i plasirala se na kantonalno takmičenje.

Nastavnici voditelji sekcije:

Mujkić Amel i Bjelić Ahmet

Čestitamo učenicima i njihovim nastavnicima!

Učenici naše škole su ostvarili sve pobjede i na taj način zauzeli prvu poziciju na tabeli.

Učenici koji su nastupali: Sakoč Ali, Curo Alen, Topalović Tarik, Bilal Benjamin, Mulić Mirza, Ibrulj Dario i Bibić Amar.

Nastavnik koji je učenike pripremao je Bećirspahić Mirza.

Sve pohvale i čestitke za učenike i nastavnika!



20

NAJUSPJEŠNIJA SPORTSKA ŠKOLA U OPĆINI NOVO SARAJEVO



U organizaciji JP ONSA i Općine Novo Sarajevo održane su "Novosarajevske sportske igre - Sport za sve", za učenike osnovnih škola.

Učešće su uzele sve škole sa teritorije Općine.

Takmičenja su se održala u sportskoj dvorani "Goran Čengić" na Grbavici.

Učenici su se takmičili u sljedećim sportovima: futsal (dječaci VI i VII), odbojka (djevojčice), odbojka (dječaci) i stoni tenis (mix).

Naša škola je na sportskim igrama ostvarila IZVANREDNE REZULTATE:

ODBOJKA (Ž) 1. MJESTO 🏆

(Ćucak Asja, Pajtić Zerina, Tahmaz Zaara, Hajradinović Ayna, Janjoš

Nastavnici voditelji sekcije:

Mujkić Amel i Bjelić Ahmet

Čestitamo učenicima i njihovim nastavnicima!



Aslin, Barleci Ejna, Kabaši Hana, Geko Ena, Hadžialjagić Nedžila, Šukić Umma, Kljuno Iman i Tičić Luna)

FUTSAL 3. MJESTO 🏆

(Mujanović Danin, Kljuno Rijad, Vatreš Alan, Bišćević Kan, Tahirović Nidal, Ćucak Imran, Fejzić Ahmed, Ždralović Adem, Cviko Mak, Subašić Daris, Sakoč Ali i Ćuro Alen)

ODBOJKA (M) 4. MJESTO

(Kačapor Kaan, Bučo Eldar, Jejna Anur, Rogo Imran, Trbić Mak, Bibić Faris, Halilagić Ahmed, Hebibović Arslan, Mučišta Hidajet, Handžić Anur i Rovčanin Nedim)

STONI TENIS 4. MJESTO

(Šurković Esma, Hadžimujagić Tajna, Jazvin Faris, Brkić Nijaz)

Nastavnici: Mirza Bečirspahić i Edis Zuko

Na kraju svih takmičenja naša škola je i proglašena za NAJUSPJEŠNIJU SPORTSKU ŠKOLU na teritoriji Općine Novo Sarajevo. 🏆



22

SREBRENI ODBOJKAŠI 🏆🥈🥉

U organizaciji Općine Novo Sarajevo, u srijedu 04.03.2026., održano je OPĆINSKO TAKMIČENJE U ODBOJCI ZA DJEČAKE.

Učešće su uzele sve škole sa teritorije Općine Novo Sarajevo.

Takmičenje je održano u sportskoj sali OŠ "Kovačići".

OSVOJENO DRUGO MJESTO 🥈

Osvajanjem drugog mjesta odbojkaška ekipa se automatski kvalifikovala na

KANTONALNO TAKMIČENJE U ODBOJCI ZA UČENIKE OSNOVNIH ŠKOLA.

Učenici koji su nastupili i branili boje škole su:

Trbić Mak, Jejna Anur, Rogo Imran, Bibić Faris, Rovčanin Nedim, Mučišta Hidajet, Bučo Eldar, Halilagić Ahmed, Hebbović Arslan, Kačapor Kaan i Handžić Anur.



23

ZLATNE ODBOJKAŠICE 🏆🥇🥈

U organizaciji Općine Novo Sarajevo i IRPO-a, u četvrtak 05.03.2026., održano je OPĆINSKO TAKMIČENJE U ODBOJCI ZA DJEVOJČICE.

Učešće su uzele sve škole sa teritorije Općine Novo Sarajevo.

Takmičenje je održano u sportskoj sali OŠ "Grbavica II".

OSVOJENO PRVO MJESTO 🥇

Naše odbojkašice su treću godinu za redom najbolje u Općini i na to smo posebno ponosni

KANTONALNO TAKMIČENJE U ODBOJCI ZA UČENICE OSNOVNIH ŠKOLA.

Učenicima koje su nastupile i branile boje škole su: Čučak Asja, Pajtić Zerina, Tahmaz Zaara, Hajradinović Ayna, Janjoš Aslin, Elezović Amani, Kabaši Hana, Ćeko Ena, Hadžialjagić Nedžla, Šukić Umma, Kljuno Iman i Tičić Luna.

Učenicima i nastavniku Mirzi Bečirspahiću iskrene čestitke na rezultatu i sjajnom predstavljanju naše škole.



20

USPJESI NA TAKMIČENJIMA

π

OPĆINSKO TAKMIČENJE IZ MATEMATIKE

U srijedu 11. 03.2026. g. u prostorijama Osnovne škole "Grbavica II" održano je Općinsko takmičenje iz matematike, za učenike novosarajevskih osnovnih škola. Naši učenici su ostvarili izvanredne rezultate:

VI razred

- 1.mjesto – Uma Njemčević
- 2.mjesto – Tarik Piralčić
- 5.mjesto – Zeina Mujezinović
- Ekipno 1.mjesto

Nastavnica
Nermina Šišić

VII razred

- 11.mjesto – Omer Gušević
- 15.mjesto – Sunčica Odarčanin
- 17.mjesto – Mak Ramić

Nastavnik
Ahmet Bjelić

VIII razred

- 4.mjesto – Aida Talović
- 5.mjesto – Ajla Taović
- 10.mjesto – Ilma Šemić
- Ekipno – 3.mjesto

Nastavnica
Nermina Šišić

IX razred

- 2.mjesto – Kaan Kačapor
- 10.mjesto – Amina Spahić
- 12.mjesto – Nedžla Bušatlić
- Ekipno – 2.mjesto

Nastavnica
Dragana Paralović

Škola je u ukupnom plasmanu ostvarila najbolji rezultat – 1.mjesto.

Iskrene čestitke svim našim vrijednim učenicima koji su pokazali izuzetno znanje.

Na Kantonalno takmičenje, plasiralo se 7 učenika : Uma, Tarik, Zeina, Aida, Ajla, Omer i Kaan.



OPĆINSKO TAKMIČENJE IZ HISTORIJE

Na Općinskom takmičenju iz Historije, koje je održano 23.04.2026. godine, učenici naše škole postigli su sljedeći plasman:

- Ajnur Čelebić 8. mjesto
- Tarik Bilić 10. mjesto
- Bekir Nakić 16. mjesto



OPĆINSKO TAKMIČENJE IZ GEOGRAFIJE

Općinsko takmičenje iz Geografije, održano je 16.04.2026. godine.

Naše učenice osvojile su sljedeći uspjeh:

- 3.mjesto Pačuka Dalia
- 4.mjesto Spahić Amina

Čestitamo učenicama i nastavniku Azri Hurtić.



ATLETSKI KUP KANTONA SARAJEVO - FINALE



Srebrna medalja

Na atletskom poligonu Stadiona Koševo održano su finalna takmičenja atletskog kupa Kantona Sarajevo za učenike osnovnih škola.

Naši školi su na finalnim utrkama predstavljale učenice devetog razreda Pačuka Daliu i Pačuku Tajru u disciplini 60m (Ž) i Handžić Anur u disciplini 300m (M).



Rezultati:

- Pačuku Dalia - drugo mjesto 🏆
- Pačuku Tajra - četvrto mjesto
- Handžić Anur - četvrto mjesto

Učenicima i nastavniku Mirzi Bećirspahiću, čestitamo na odličnim rezultatima i uspješnom predstavljanju škole.





KANTONALNO TAKMIČENJE IZ FIZIKE

Kantonarno takmičenje iz Fizike, održano je **16.4.2026. godine**, u našoj školi. Učenici naše škole ostvarili su sljedeći plasman:

VIII razred:

- Luna Tičić 7 mjesto,
- Karim Čengić 12 mjesto,

IX razred:

- Harun Suljević 9 mjesto



KANTONALNO TAKMIČENJE IZ NJEMAČKOG JEZIKA

Dana 16. 3. 2026. godine u OŠ „Isak Samokovlija“ održano je Kantonarno takmičenje iz njemačkog jezika.

Našu školu predstavljao je učenik IX-1 razreda, Timur Babović, koji je ostvario odličan rezultat osvojivši 8. **mjesto** u konkurenciji od ukupno 62 takmičara.

Čestitamo našem učeniku i njegovoj nastavnici Irini Čehić **na** postignutom uspjehu!



KANTONALNO TAKMIČENJA IZ PRVE POMOĆI

Naša škola je i ove godine učestvovala na **28.** Kantonarnom takmičenju iz pružanja prve pomoći, koje je održano u subotu, **09.** maja, u Vogošći.

Ponosni smo **na** naše učenice koje su u izuzetno jakoj konkurenciji pokazale vrhunsko znanje, prisebnost i timski rad, te osvojile visoko 6. **mjesto** u Kantonu Sarajevo!

Našu ekipu, koja je sate provela u vježbi i učenju kako spasiti život, činile su:

Kapiten: Ela Đono

Tehničari: Hana Zuka, Hena Dervišević, Zara Kapetanović, Dalia Bašić i Naida Hadžihasanović.

Čestitke upućujemo i njihovim mentorima, nastavniku Elmedinu Spahiću i Amini Čubani, koji su vodili i pripremali ekipu za ovaj sjajan rezultat.

Bravo djevojke, ponosni smo **na** vašu humanost i vještine!



π KANTONALNO TAKMIČENJE IZ MATEMATIKE

Kantonatno takmičenje iz Matematike održano je u srijedu, 01.04.2026. godine, u PU Richmond Park Secondary School Sarajevo.

Naši učenici ostvarili su odlične rezultate:

VII razred:

- Uma Njemčević – 5.mjesto i direktan plasman na Federalno takmičenje
- Tarik Piralčić – 8.mjesto
- Zeina Mujezinović – 10.mjesto

VIII razred:



- Ajla Talović – 4.mjesto i direktan plasman na Federalno takmičenje
- Aida Talović – 9.mjesto
Nastavnica Nermina Šišić

VII razred:

- Omer Gušević – 29.mjesto
Nastavnik Ahmet Bjelić

IX razred:

- Kaan Kačapor – 3.mjesto i direktan plasman na Federalno takmičenje
Nastavnica Dragana Paralović

🏛️ KANTONALNO TAKMIČENJE IZ TEHNIČKE KULTURE/OSNOVA TEHNIKE

Kantonatno takmičenje održano je u srijedu, 06.05.2026. godine u PU Školski Centar Maarif Schools of Sarajevo, na kojem su učenici naše škole ostvarili zapažene rezultate.

🏆 USPJEH NAŠIH UČENIKA NA FEDERALNOM TAKMIČENJU

FEDERALNO TAKMIČENJE IZ FIZIKE

Na Federalnom takmičenju iz fizike, održanom 16.05.2026.godine, učenici JU OŠ "Grbavica II" ostvarili su zapažene rezultate!
Čengić Karim – 3. mjesto
Tičić Luna – 10. mjesto
Suļević Harun – 15. mjesto.

Učenike je za takmičenje pripremio nastavnik Asim Grbo. Čestitke učenicima i nastavniku.

🏠 KANTONALNO TAKMIČENJE IZ HEMIJE

Kantonatno takmičenje iz Hemije, održano je 8.5.2026. godine u Srednjoj školi za okoliš i drveni dizajn. Na takmičenju je učestvovalo 50 učenika, Naša učenica, Amina Spahić, osvojila je 49,75 bodova, pa je dijelila 7. mjesto sa još jednim učenicom iz JU OŠ "Osman Nuri Hadžić". Čestitamo učenicima na plasmanu i nastavnicima, Dženiti Agić Priganica.

🌐 KANTONALNO TAKMIČENJE IZ ENGLESKOG JEZIKA

Kantonatno takmičenje iz Engleskog jezika, održano je 28.4.2026. godine. Naša učenica, Iman Kljuno, zauzela je 12. mjesto. Čestitamo učenicima i nastavnicima!

♟️ KANTONALNO TAKMIČENJE U ŠAHU

Naši učenici su ostvarili zapažen uspjeh na Kantonatnom takmičenju u šahu, dostojno predstavljajući našu školu.

U konkurenciji dječaka posebno su se istakli:

- 🏆 Ahmed Slaninik – 1. mjesto
- 🏆 Hamza Dautović – 3. mjesto

U konkurenciji djevojčica:

- 🏆 Arya Begić – 3. mjesto
- 🏆 Sana Vilić – 4. mjesto
- 🏆 Naida Durnišević – 8. mjesto



🏆 USPJEH NAŠIH UČENIKA NA FEDERALNOM TAKMIČENJU

FEDERALNO TAKMIČENJE IZ MATEMATIKE

Na Federalnom takmičenju iz matematike, održanom 09.05.2026.godine u Travniku, učenici JU OŠ "Grbavica II" ostvarili su zapažene rezultate!

VI razred:

- Uma Njemčević – 9.mjesto
- Zeina Mujezinović – 23.mjesto

VIII razred:

- Ajla Talović – 4.mjesto
- Aida Talović – 7.mjesto

Učenice za takmičenje pripremla je nastavnica Nermina Šišić.

IX razred:

- Kaan Kačapor – 8.mjesto

Učenika za takmičenje pripremla je nastavnica Dragana Paralović.

Izuzetno smo ponosni na sve naše učenike, a Ajli, Aidi i Kaanu čestitamo na direktnom plasmanu na Juniorsku matematičku olimpijadu koja će se održati 23. maja 2026.godine u Sarajevu.

Više informacija o samom takmičenju, zadaci i rješenja te fotografije mogu se vidjeti na linku: <https://federalno2026.umabk.ba>



5. MAARIF CUP

Učenici naše škole učestvovali su na 5. Maarif Cup takmičenju, koje je održano od 12. do 14. maja ove godine.

Postigli su sljedeće rezultate:

Stolni tenis:

1. mjesto: Hatidža Hadžić 🏆 (uzrast - djevojčice 6. i 7. razredi).
3. mjesto: Nihad Brkić 🏆 (uzrast - dječaci 8. i 9. razredi).

Fudbal:

4. mjesto (uzrast - 6. i 7. razredi)

Posebnu nagradu i poklon je dobila učenica Nejra Sokić kao jedina djevojčica na turniru, koja je nastupala u fudbalskoj ekipi u uzrastu za dječake 6. i 7. razredi.

Nastavnik tjelesnog odgoja: Edis Žuko





PONOSNI NA ŠKOLU



Naša škola je dobitnica Specijalne nagrade za kreativnost, kao priznanje za podsticanje maštovitog izražavanja i stvaralačkog duha kod djece.

Tim povodom učenici VII i IX razreda su u pratnji Stručne službe škole posjetili Centar za kulturu i edukaciju Safet Zajko, gdje je upriličen svečani program i dodjela priznanja, te su tom prilikom preuzeli nagrade.

Posebno smo ponosni na našu učenicu Zaru Kapetanović VII -2, koja je dobila posebnu nagradu za objavljenu priču, čime je još jednom pokazala svoj talenat, trud i ljubav prema pisanju. Naša škola je izuzetno ponosna na njen uspjeh i primjer koji daje svojim vršnjacima.



Posebnu zahvalnost upućujemo nastavnici bosanskog jezika Mirzeti Bašić, koja je svojim predanim radom, podrškom i motivacijom potakla učenike na pisanje literarnih radova i razvijanje ljubavi prema pisanoj riječi.

U prilogu donosimo fotografije sa ovog lijepog i značajnog događaja.

Hvala svima koji su doprinijeli ovom uspjehu!



20

ZABAVNE STRANE








ZABAVNI REBUSI



Rebus je zagonetka u kojoj se riječ koju treba odgonetnuti krije u kombinacijama slika, slova i drugih znakova. Zarez označ da se neko slovo s početka ili kraja izbacuje iz rješenja.

Iza ovih rebusa nalaze se stilska izražajna sredstva.

Zaigraj, otkrij o čemu je riječ i ponovi gradivo iz tog područja.



JOŠ MALO REBUSA ...



20

ZABAVNE KRIŽALJKE ZA DJECU



UPUTSTVO:

Pročitaj pažljivo pitanja i upiši tačne odgovore u križaljku.
Sretno!


KRIŽALJKA 1

VODORAVNO:

- Životinja koja je kralj životinja.
- Prvo godišnje doba.
- Dio dana između jutra i večeri.
- Ptice koje lete u jatima u obliku slova V.
- Boja neba po lijepom vremenu.

USPRAVNO:

- Najveća planeta u Sunčevom sistemu.
- Kuća za stanovanje.
- Mjesto gdje idemo na more.
- Ima latice i raste u vrtu.



ZNAŠ LI?

Rješavanje križaljki razvija logičko razmišljanje,
pomaže pamćenju i širi rječnik!




KRIŽALJKA 2

VODORAVNO:

- Vozilo na dva točka.
- Životinja koja kaže "mijau".
- Mjesto gdje kupujemo knjige.
- Okrugla lopta kojom se igra fudbal.
- Ono što nas grije zimi.

USPRAVNO:

- Školski predmet u kojem računamo.
- Voće koje je žuto i koje vole majmuni.
- Dio tijela kojim gledamo.
- Najvažniji obrok u danu.



ZABAVI SE I NAUČI!

Križaljke su odličan način da učiš
kroz igru!



REDAKCIJA

Redakcija

Izdavač: JU OŠ "Grbavica II"

Urednik: Sanida Omerović – Šečić, prof.

Grafički urednik: Edin Hurem

Novinari (učenici saradnici):

Aida Abdagić, Mak Beganović, Lara Čmajčanin,
Tajra Hadžić, Lajla Karaselimović

Voditeljica sekcije: Sanida Omerović – Šečić, prof.

Zajedno stvaramo sadržaj koji inspiriše.

Naš školski magazin nastaje uz trud, kreativnost
i timski rad. Upoznajte članove redakcije:



Aida Abdagić



Lajla Karaselimović



Lara Čmajčanin



Mak Beganović



Tajra Hadžić



Zajedno stvaramo magazin koji govori o nama – našoj školi i našim pričama!



Hvala na pažnji



Osnovna škola Grbavica II

